

Nunatsinni erngup nukinga atorlugu pilersuinissamut kiisalu avammut niueruteqarnissamut periarfissat unammilligassallu erngup nukinganik nukissiuuteqarfiusuni piukkunnaatilinnilu Naalakkersuisut nalunaarusiornissamut peqquneqarnissaannik Inatsisartut aalajangiiffigisassaattut siunnersuut. Nalunaarusiami erngup nukinganik nukissiorfinnik pilersitsinissamut aningaasalersuinissaq kiisalu tamatumunnga periarfissat ilaatinneqassapput. Nalunaarusiaq kingusinnerpaamik inatsisartunut UKA2017-imi saqqummiunneqassaaq.

(Inatsisartuni ilaasortaq, Anthon Frederiksen, Partii Naleraq)

Akissuteqaat

(Pinnngortitamut, Avatangiisinut Nukissiuuteqarnermullu Naalakkersuisoq)

Aappassaanneerpeqarnera

Naalakkersuisunit Sanaartornermut Ataatsimiititaliaq erngup nukinganik isumalluutininik atorluaanissaq pillugu siunnersuummik suliaqarneranut qutsavigaarput.

Naalakkersuisut nuannaarutigalugu maluginiarpaat, Sanaartornermut Ataatsimiititaliap siunnersuummut isumaqataasoq, aammalu nassuiaatip nukissiuuteqarnermut pilersaarusiornermut ingerlanneqartumut ilanngunneqarnissaa taperseraa. Naalakkersuisut nukissiuuteqarnermut pilersaarutip 2017-imi saqqummiunneqarnissaa naatsorsuutigaat.

Taamatut oqaaseqarluta Naalakkersuisuniit siunnersuutip akuerineqarnissaa inassutigaarput.